



Na osnovu člana 15. Zakona o Upravi za indirektno oporezivanje („Službeni glasnik BiH“ 89/05) i člana 16. Odluke o postupku oslobađanja i povrata akcize i putarine po osnovu primjene međunarodnih ugovora („Službeni glasnik BiH“, br. 26/08 i 92/08), direktor Uprave za indirektno oporezivanje donosi

**INSTRUKCIJU**  
**o provedbi člana 16. Odluke o postupku oslobađanja i povrata akcize i putarine po osnovu primjene međunarodnih ugovora**

Član 1.  
(Opće odredbe)

Ovom Instrukcijom propisuje se provedba odredbe člana 16. Odluke o postupku oslobađanja i povrata akcize i putarine po osnovu primjene međunarodnih ugovora („Službeni glasnik BiH, br. 26/08 i 92/08), u daljnjem tekstu: Odluka, kao osnova za ostvarivanje prava na povrat akcize i putarine.

Član 2.  
(Pravo na povrat)

- (1) Pravo na povrat akcize i putarine po ovom osnovu se ostvaruje u okviru međunarodnog projekta pružanja pomoći u kojima je BiH, međunarodnim ugovorima obavezana da ti projekti ne budu opterećeni indirektnim porezima.
- (2) Pravo na povrat akcize i putarine iz stava (1) ovog člana ostvaruje investitor, ukoliko to pravo ugovorom ili drugim aktom nije prenio na lice koje je angažirana u projektu ili ukoliko to ne proizilazi iz ugovornog odnosa i/ili druge dokumentacije.

Član 3.  
(Podnošenje zahtjeva za povrat)

- (1) Zahtjev za povrat akcize i putarine iz člana 2. stav (1) ove Instrukcije, podnosi se na obrascu CD-A 2M.
- (2) U slučaju stava (2) člana 2. ove Instrukcije, kada investitor nije platio akcizu i putarinu, zahtjev za povrat podnosi lice koje je platilo akcizu i putarinu u okviru implementacije međunarodnog ugovora.
- (3) Ako zahtjev podnosi lice koje je investitor angažirao i koje je platilo akcizu i putarinu, isti mora ponuditi dokaz ili dati izjavu da investitor nije podnio zahtjev iz stava (1) ovog člana.

Član 4.  
(Uvjeti ostvarivanja prava na povrat)

- (1) Uz zahtjev iz člana 3. stav (1) ove Instrukcije, za povrat akcize i putarine, podnosilac zahtjeva prilaže:
  - a) fakturu na kojoj je iskazan iznos akcize i putarine za koji se traži povrat, original ili ovjerena kopija, koja može biti ovjerena i od strane izdavaoca, ne starija od tri mjeseca
  - b) dokaz o plaćanju akcize i putarine za koju se traži povrat,

- c) kopija ugovora na osnovu kojeg se traži povrat.
- (2) Ukoliko se radi o povratu akcize i putarine proistekle iz izvršenja međunarodnog ugovora prije stupanja na snagu Odluke shodno odredbi člana 21. Odluke, kao dokaz iz stava (1) ovog člana prihvata se i faktura na kojoj nije iskazan iznos akcize i putarine za koji se traži povrat, bez ograničenja u pogledu roka izdavanja, ukoliko uz istu postoji izjava podnosioca zahtjeva da je u iznosu te fakture sadržana akciza i putarina.

#### Član 5.

(Postupak prije donošenja rješenja)

U slučajevima rješavanja povrata akcize i putarine shodno članu 21. Odluke, prije donošenja rješenja o povratu, od nadležne Grupe za kontrolu može se zahtijevati inspeksijska kontrola u cilju utvrđivanja činjenica u pogledu:

- a) iznosa akcize i putarine koji je plaćen, a koji bi podlijegao povratu po osnovu međunarodnog ugovora,
- b) da iznos akcize i putarine koji je plaćen, nije obračunat i naplaćen od investitora ili drugog lica.

#### Član 6.

(Stupanje na snagu i objava)

Ova Instrukcija stupa na snagu danom donošenja i objavit će se na Web stranici Uprave za indirektno oporezivanje.

**Broj: 02-2-1428-1/09**

**Datum: 05.06.2009.godine**

**DIREKTOR**  
**Kemal Čaušević**